

Eskemmoù EG – MC – YBAN

Kerzu 2022 – Genver 2023

ROLL AN DUD

EG : Émile GRANVILLE

MC : Mikael COÏC

YBAN : Yann-Baol AN NOALLEG

MC da YBAN – 28 11 22

Sed amañ ur valad kaset d'al load <https://www.preder.net/> gant : Émile GRANVILLE <emile.granville@wanadoo.fr>

Demat deoc'h, emeon o labourat war ar rakgerioù hag al lostgerioù brezhonek. Daou dra :

1) Kejet 'm eus ganeoc'h da-geñver Saloñs al levrioù e Karaez. Bez' e oa un den yaouank en doa prenet ma levr *Préfixes et Suffixes, le breton au beau fixe* ! Plijout a rafe din mont e darempred gantañ rak emeon o labourat evit un adembannadur reizhet ha klokaet.

2) Kavet 'm eus e-barzh geriadur Martial Ménard¹, **bicarré** uegarrezek, ha **birapport** uegeñver. Ha gouzout a rit eus pelec'h e teu ar rakger **ue-** ?

MC da EG – 28 11 22

Trugarez evit ho malad a dreuzkasin da Yann-Baol An Noalleg a vo resisoc'h e respont.

Setu enneg an den yaouank, Hoel Mahé : <hoel.mahe@gmail.com>

EG da MC – 28 11 22

Trugarez vras deoc'h !

MC da EG – 28 11 22

Adkavet 'm eus ul labour graet gant Gab Chernel e 1997 war ar rakgerioù.

Kevret e kavot ur skouerenn eus al labour-se². Marteze eo bet embannet war *Hor Yezh*.

¹Martial Ménard, *DICIONNAIRE FRANÇAIS-BRETON*, Palantines, Quimper, 2012.

²Setu maladur diwezhañ Gab :

<https://preder.net/index.php/br/embannadurioù/diazevou-ar-brezhoneg-br>

EG da MC – 24 12 22

Emaon o welout ar rakger **der-**.

Kavet 'm eus gant Gabriel Cherel ar gerioù-mañ:

derluskañ, derouezañ, derreviñ, dergoal, derc'hallañ, dervantiñ, derveno.

N'emaint ket keflinenn ha n'o c'havan ket er geriadurioù a 'm eus.

Ha gallout a rafes gouzout petra eo o zalvoudegezh e galleg ?

MC da EG – 25 12 22

Ar respontoù d'az koulennoù a gavi e : *Renabl ar gerioù arnevez 4* Goulven Pennaod ha Gab Cherel Here 2014, a gasan dit. Er renabl, Gab a ra dave da galz levrioù bet embannet gant Preder a zo staliet bremañ war hon load haeziñ dieub. Da skouer an holl lavaroù : 1 da 20 a zo bremañ klok.

Abaoe Here 2014 n'eo ket hizivaet ar renabl. Lavar 18 , 19 hag 20 zo deuet e gouloù abaoe.

YBAN da EG – 25 12 22

Hiziv e tegemeran ur valad a-berzh Mikael Coïc gant da c'houlenn a-zivout ar rakger **ue-** :

« Kavet em eus e-barzh geriadur Martial Ménard, Br. *uegarrezek*, Gl. *bicarré* ha Br. *uegeñver*, Gl. *birapport*. Ha gouzout a rit eus pelec'h e teu ar rakger *ue-* ? »

Va respont :

Amañ dindan un nebeut ditouroù a-zivout ar rakger **ue-**. Kevret KIS-497 (Lavar 10), ma kaver an orin anezhañ :

<https://preder.net/r/bibli/lavar/pdf/lavar-10/kis-497.pdf>

Lavar 18, p. 141 :

ÉPICÈNE

MME 18 10 07 – Gl. *épicène* ? (tra fentus : e TLF e roont istor ar ger o venegiñ ar C’hatolikon !)

GE 20 10 07 – Gl. *épicène*, Sz. *epicene* a arverer er Yezhoniezh a-zivout an anvadoù a c’hell bezañ gourel ha benel hep kemmañ furm, sk. : *pried* (kudenn a sav e brezhoneg, hini ar c’hemmadur : ha sellet e vo evel ur c’hemm furm ?) ; dre astenn ster, e reer *épicène* eus anvadoù loened ’zo, dezho ur reizh hepken hep derc’hel kont eus ar rev, sk. *moualc’h*, *krokodil*... ha *den*. [Diwar vont, notomp ez eo bet koazhet niver an termennoù eus ar seurt e galleg da heul an arc’hadurioù benevelour : *auteur*, *auteure* (*autrice* o chom diarver), *docteur* (va c’henc’hoarezed ne raent ket *doctoresses* anezho o unan, ne zegemerent ar ger nemet e kaozeeg o arvalion) — giz hounnezh o tisoc’h eus ur c’hemmesk etre *rev vevoniel* ha *reizh c’hramadegel*.]

Kembreiz a rafe gant *deuryw*, nemet e talvez ar ger kenkoulz all “div rev kevret, divrevek, amrev, amreviat, daouseurtek, h.a.” E brezhoneg, e ranker deverañ diwar an termen gramadegel *reizh* ; gant pe rakger avat ? *divreizh-* a ve forc’hellek : lakaomp e talvezfe evit *pried*, ne zerefe ket ouzh *moualc’h*, hag en arvar e ve da vezañ intentet a-zivout pennanvioù evel *barzhoneg* a zo gourel pe benel hervez ar yezherion ; *amreizh-* neuze, mar soñjer en *amrev(-)* (tud eus an div rev a-gevret), met *amreizh-* ned eo ket e-keñver reizh pezh ez eo *amrev* e-keñver rev, ouzhpenn ma arverer *amreizh* gant ur ster all ; ne chom nemet un ode : *uereizh-*, ar rakger *ue-* (sl. La-10 374, 375 : *uezelvadur*, La-11 21, 192 : *uevir*) o talvout “an daou war un dro” a hañval bezañ an termen kevazasañ : *uereizh(ek)* eo Br. *pried* pa arouez war un dro ar gwaz hag ar wreg.

GE da MME – 06 07 12 :

4. Ne gav ket din eo bet studiet ar c’heal-se abaoe Vallée. Anv zo eno eus un daouad kevenebet ; hiziv e seurt degouezh e reer gant ar rakger *ue-* (sl. deveradoù all diwar *amphi-* e GEKIM). Ober a rafen gant *ueanalat*, *ueanalad*

a-zivout al loened gouest da dennañ o anal en dour koulz hag en aer, ha *ueanaladezh* eus ar ouested he unan.

EG da YBAN – 26 12 22

Trugarez evit ho respont. Laouen on oc’h eskemm ganeoc’h, rak kalzig a zibaboù bet graet gant Preder a chom kevrinus c’hoazh ganin.

Emaon oc’h ober ur c’haier diwar-benn ar rakgerioù hag al lostgerioù.

Ne ’m eus ket kavet orin ar rakger **ue-** e-barzh Kis-497 avat. En ur pennad all emañ marteze ?

YBAN da EG – 26 12 22

Padal e lennan e KIS-497 kement-mañ : *uesturiadell* (*en u-gent < *wI-*). Ne gavan dave diagent all ebet. Moarvat emañ en un eskemm etre GE ha GP... Koun ’m eus bezañ gwelet un dra bennak, pelec’h avat ? Evel m’emañ eo spirus evidon, rak ezhomm oa eus ar rakger-se.

Pezh a c’hellan ober : E *Dictionnaire de la langue gauloise Une approche linguistique du vieux-celtique continental*, Xavier Delamarre, Paris, 2003, e lennan :

1. **uoconti**, ‘vingt’ ?

Le nom de la tribu des Voconces, *Uocontii*, peuple important du sud-est de la Gaule dont la capitale était *Uasio* (Vaison-la-Romaine), a été compris comme le numéral ‘vingt’ substantivé; il signifierait ± ‘les vingt tribus’, H3 422, 433, Dottin 300, *KGP* 299, *IEW* 229, *DAG* 187, *GPN* 289 n.12, C. Julian *REA* 9 (1907), 172 ss., J. Vendryes *RC* 35 (1914), 103 et *RC* 40 (1923), 172, Barruol 278-94. On ajoute aussi les NP *Uocontius*, *Bocontius* et Freeman 66 rapproche l’ethnique galate *Okovδiavoí*. On compare en effet le mot *tri-contis* (compris alors comme un NP ‘Les Trentes’ dans l’inscription de Géligneux), ou les noms de tribus *Uo-corii*, *Tri-corii*, *Petru-corii* ‘les

deux-, trois-, quatre-tribus’ ; le préfixe *uo-* ‘deux’, dans *Uo-conti* et *Uo-corii* serait une variante de **duō* et *uoconti* aurait été substitué au **(d)ui(d)k̑ntī* indo-européen (latin *uīginti*, grec *εἴκοσι*, avest *visaiti*, Tokh.A *wiki* etc., *IEW* 1177) par analogie des dizaines supérieures formées avec *-kont-*.

O. Szemerényi, *Szem. Numerals* 55, n. 70, a mis à juste titre cette analyse en doute: un gaulois *uo-conti* ‘20’ serait étrange, alors que toutes les autres formes indo-européennes, celtique insulaire inclus, remontent à une forme **uī-k̑ntī* < **dui[d]k̑ntī* : v.irl. *fichet* (**uīkant*), m.gall. *ugeint*, bret. *ugent* ‘vingt’ **uīkanti*), *Vertretung* 110, *SBC* 159. Cependant si le *uo-* de *uo-conti* peut remonter à *u(p)o-*, on ne voit pas quoi faire de *-conti*. Voir cependant à *conto-*.

2. **conto-**, ‘cent’ ?

Thème de NP : *Contuinda* (pour **Conto-uinda*), *Conto-bouio-uindillus*, *Contius*, *Contucius*, *Contuccius*, *Contucianco*, *Contouca* (mais plutôt : *Contouca* doté d’une hache’), *Contua[*, *Κοντωνιατός* ; cf. aussi les NL *Contobris*, *Conto-solia* dans la péninsule Ibérique, *HI* 1108, *W.* 89, *KGP* 183. Signification inconnue. Un indice est peut-être fourni par le NP *Conto-bouio-uindillus* où *-bouio-* est évidemment un dérivé du mot *bo(u)-* ‘vache, boeuf’ ; or il existe un concept i.-e. des ‘cent vaches’, terme économique à usage sacrificiel en Grèce: grec *ἐκατόμῃ* ‘sacrifice (de cent vaches)’ (**hekatóm-byā*), *Boukátios* ‘nom d’un mois associé au sacrifice du bétail’, skr. *śatagvīn-* ‘qui possède cent boeufs’, *gośatam* ‘don de cent boeufs’ (sur quoi *GEWI*, 475, Puhvel *KZ* 79 [1964], 7-10 = *Analecta* 77-80, *Encyclopedia* 137, Campanile *Saggi* 260- 63 [expl. invraisemblable d’ *hekatómbē* par un macédonien **song^whā* ‘chant’]). *Conto-* serait pt ê. alors la forme pleine **k̑omto-* du numéral 100’ **(d)k̑ntóm* qu’on retrouverait dans le nom de la tribu des Voconces, *Uo-conti* (à comprendre alors ‘les 200’ plutôt que ‘les 20’, voir à ce mot). Le composé *Conto-bouio-uindillus* serait ‘Vindillus-aux-cent-vaches’ (“riche de -” ou “qui a obtenu -”, voir à *bo-*), **Conto-uinda* (*Contuinda*) ‘Blanche comme une centenaire’ (cf. *Penno-uindos*, v.irl. *Finnbar* ‘Tête-blanche’) et les dérivés *Contuc(i)o-* ± ‘centenaire’. La forme pleine

du numéral i.-e. qu'on trouve attestée dans les dizaines supérieures à 20, grec *triákonta*, *pentékonta*, v.irl. *tríchot*, etc., aurait été réintroduite dans d'autres emplois afin de contrer l'homonymie des formes en *canto-* aux sens multiples ('avec', 'cercle' etc.), cf. le NP *Contedoius* (de **kōmt-[p]edo-ios*), Hl 1107, ± 'qui possède un champ de 100 pieds carrés' (s'il ne s'agit pas d'une mélecture pour **conteddius*) à côté de *Cantedo*, DAG 807.

E levr Victor Henry, *Lexique étymologique du breton moderne*, Rennes, 1900 e welan :

Ugent, vingt, corn. *ugans* et *ugens*, cymr. *uceint* > *ugaint* > *ugain*, vir. *fiche*, etc. : d'un celt. **wikni-*, à peu près identique à sk. *viŋcati*, zd *vīsaiti*, gr. *ἑξήκοντα* (dor.) et *εἰκοσι*, lat. *vīgintī*.

Un evezhiadenn : dav diwall, rak ne c'haller nemet ober anv a "zurc'hadurioù ster" evit ar rakgerioù, hag e nep doare a sterioù sonn. An arvar o sevel ur roll zo dres sonnañ ar rakgerioù hag emañ ret arbouezañ war an digor ez int dirak arverioù nevez di-rakweladus.

Un dra all c'hoazh evit echuiñ ! Ret holl eo studiañ pervezh al LAVAROÙ hag o c'havout a reer bremañ war load Preder.

EG da YBAN – 27 12 22

Trugarez evit an holl didouroù kaset din. Dedennus tre eo.

Lennet 'm eus aketusoc'h an testennoù ha me soñj din e 'm eus komprenet bremañ.

E berr gomzoù : **ue-** zo testeniet e-barzh *ugent* = *ue* + *kent* = 2 x 10.

Graet hoc'h eus gant **ue-** evit treiñ *bi* e termenoù matematik evel *uesturiadell* Gl. *bi-vecteur*).

Astennet eo bet ster **ue-** gant talvoudegezh “an daou war un-dro”, gant *ue-reizh(ek)* Gl. *épicène* da skouer.

1. Ne gaver ket ar gerioù gant **ue-** keflinenn. Me garfe gouzout petra a dalvez e galleg ar gerioù-mañ : *uezehouiad, uezrec’hek, ueion, ueleizhid, uelen, uevorc’hat*, meneget gant Gabriel Cherel.

2. Klask a ran gouzout muioc’h a draoù diwar-benn ar rakger **der-** ivez.

Me garfe gouzout petra a dalvez e galleg ar gerioù-mañ : *derluskañ, derouezañ, derreviñ, dergas, dergoal, derveno, dervantiñ, derc’hallañ*, meneget gant Gabriel Cherel ivez.

3. Emaon o klask ivez petra eo ar ger *sten* e-barzh *ussten* Gl. *ultrason*.

YBAN da EG – 27 12 22

Ne c’hallan nemet adlavarout : dav studiañ en un doare sirius steudad al LAVAROÙ. An doare nemetañ evit pignat en tren, kent ma ruilhfe re vuan. O lenn pezh a skrivez e verzhan doareoù sellet evel amreizh gant Preder³.

- Lennet em eus : skrivañ a reomp **lennet ’m eus**.
- me soñj din em eus komprenet : a skrivomp **me soñj din e ’m eus komprenet**.
- en linenn : plakadur ar Gl. *en ligne*. Perak ket **war linenn* diwar ar Sz. *on line* ? Evidomp ni a skriv **keflinenn**. Ar c’hontrol Gl. *hors ligne* Br. **ezlinenn**.

Pal hon labour zo splann : sevel ur yezh a sevenadur, ur benveg evit an dezevout, e brezhoneg. Tizhet e vo ar pal pa na vo ket mui goulennet : “Petra a dalvez ar ger-se e galleg?”. Anat e rank pep hini bukañ ouzh ar pal-se. Gant pezh a ouzout a-zivout **ue-** ez out e-tailh da gompren ster gerioù ’zo moarvat.

³Reizhet evit an embann.

- **uezehouiad** : den *uezehouiat*, eleze ken ampart gant e zorn kleiz ha gant e zorn dehou.

- **uezrec’hek** : Guy Étienne a skriv en ul lizher din (26 06 05)

Br. *ue-* hon eus arveret, te er Jedoniezh, me er C’hramadeg, gant ar c’hemeradur « an daou war un dro ». Er C’hramadeg e ’m eus kinniget lavarout *uezrec’hek* an adanvioù o toareañ ken ar gouzrec’h, ken ar gourzhdrec’h (sl. La-16 128). Pa soñjan, en anvadur an arouezioù hon eus graet ivez gant *uevir* da envel an arouez \longleftrightarrow (bir daou benn). Kinnig a rez *ueion* « ion amfoter », luniadur a zo tre diouzh an durc’hadur ster embreget c’hoazh.

Mechal hag ur ger gallek zo evit dec’heriañ ar c’heal-se, rak GE a ro (Lavar 16) **ambijectif* (gant ur steredennig). Bez’ ez eus gerioù brezhonek hep kevatalioù e galleg, kement ha ken bihan m’en deus ranket GE “sevel” gerioù gallek evito !

- **ueion** : ion amfoter.
- **ueleizhid** : graet e vez ivez gant an termen etrevroadel *amfolit*.
- **uelen(er)** : pe *amfifil*, *amfipatek*.
- **uevorc’hat**, sl. GEVEZ :

amphicrine \diamond **mixed gland** \diamond **uevorc’hat** aa.

A-zivout ur wagrenn a zo sez un ezvorc’hañ hag un enborc’hañ war un dro (an avu, an ilgreiz).

Evit klokaat, Lavar-22 KIS-1343, KIS-1345 :

<https://preder.net/r/bibli/lavar/pdf/lavar-22/lavar-22.pdf>

YBAN da EG – 29 12 22

Kevret un nebeut ditouroù, gant ar spi e talvezo dit.

Kendalc’h ar respontoù :

1. A-ZIVOUT DER- :

- **derluskañ** : PRED 237.76, 77, 79, 98 (Lavar 07)
 - Pa wered an nerzh-erluskañ en un taol e derou al loc’hañ, e komzer eus derluskañ (pa denner da skouer gant ur bistolenn, ur c’hanol, h.a.) ; pa gendalc’h an nerzh-erluskañ da werediñ war al loc’hell en he hent, e komzer eus emerluskañ (evel gant an nijerez).
- **derouezañ** : GEAK “montrer ostensiblement”
 - *Geriadur ar Jedoniezh*⁴ :

représenter (une classe d’équivalence) ◇ **derc’hallañ**.

 - *Lexique de la philosophie*⁵ : **derc’hallañ** : avoir pouvoir comme représentant (sens philosophique).
- **dervantiñ** :
 - GEAK : **prospective** dervantiñ g. & pennanor ; dervantouriezh b.
- LAVAR 19 KIS-946 GE da MME – 09 09 08 :

12. Ar *superlatif* a vez studiet 1) ent neuziadurel (e-keñver furm enta), dre ziforc’hiñ a) *le s. relatif : le plus grand*, b) *le s. absolu : très grand, richissime* ; 2) ent ambredadurel (e-keñver ster), a) *le s. de comparaison*, kevastenn d’ar *s. relatif*, b) *le s. d’intensité*, a astenn ledanoc’h eget ar *s. absolu* : savadurioù dre *très, -issime*, met ivez, geriennoù evel *fort aimable, immensément riche, bête à pleurer*, h.a.

An *dreistrez* (diwall : an *usrez* a glot gant Gl. *comparatif*, ent neuziadurel, a furmer dre an dibenn *-hañ*. Ent ambredadurel hepken e lakafed kemm etre an *d. keñverel* : an *den koshañ* hag an *d. tralen* : un *den kozh meurbet*,

⁴Yann-Baol An NOALLEG, *Geriadur ar Jedoniezh*, Preder, 2003.

⁵<https://preder.net/r/geriadur/geriadur.php?locale=fr&txt=derc%27halla%C3%B1&lang=br&filter=off>

h.a. Da c'houzout avat ha dereout a ra astenn, dre zrevezañ gramadegoù ar galleg, rummenn an dreistrez er-maez eus ar furmoù en *-^hañ*. A-du e ven evit lezel an isrummennoù *d. keñverel* ha *d. tralen* er-maez eus gramadeg ar brezhoneg ha renkañ e rummenn ar *c'hreñvaerioù* an adverboù *meurbet, tre, kenan, dreist* h.a. koulz hag ar rakgerioù *gour-, dreist-, der-* (eus hemañ diwezhañ e rae GP un *dreistkreñvaer*), h.a.

- Lavar 17 KIS-833 GE da YBAN – 16 11 04 (pp. 43-44) :

Ober gant revañ evel termen hollek, diazez d'an deveradoù *revbarañ, revbarus, revbaruzenn, ur c'harbed revbar, revek, revekaet*, h.a. Evit ar gwrez-verkoù izelañ eus ar gwere, etre -18°C ha -50°C (diraezet dre Gl. *surgeler*, Sz. *deep-freeze*, Al. *tiefgefrieren*), e ve mat rakgeriañ *rev-* ; ober a rez gant *gour-*, bez' e c'haller soñjal ivez en ur c'hreñvaer all : *an(n)-, tre-, tra-, don-, der-*. *Gour-* ne ve ket diazas ; techet e ven koulskoude da vont hebiou, pa zeu *gour-* da vezañ ur c'hreñvaer milmicher (sell niver an deveradoù diwar-nañ), ivez pa c'halv e gendave *gou-* (n'eus ket fred evitañ en degouezh, ha forzh penaos a ve diaes da arverañ dre un abeg sonel : *gourrev-/gourev*), hag ouzhpenn pa 'z eus ur c'hreñvaer all nebeut korvoet : *der-*, (GP, a rae *dreistkreñvaer* eus *dir-*, a alias goude degemer *der-* en e lec'h) ; e se e kredan kinnig *derrev* : evel pennanv da gentañ (an *derrev* e ve ar stad diraezet dre an *derreviñ*, an araezioù d'he diraez, h.a.), evel stirann : *derrevad* (aozad *derrevet*), *derrevbarañ, derrevbar, derrevek*, h.a.

- LAVAR 21 KIS 1206 GE da YBAN – 11 06 12 :

[...] E sigur ar gudenn boentek-se, e stokomp ouzh ur rumm kudennoù Yezhouriezh nad int ket bet diskoulmet (ac'hoel en o fezh) : disoc'h kealel ar “berniañ rakgerioù”. Degemeret hon eus ar roll kinniget gant GP e *Stourmer* 134 hh. Nemet n'hon eus ket prederiet war un devoud a-bouez en istor ar yezh(où) : ar mont da *rakgerioù eeun* a reas un darn vat eus ar *rakgerioù berniat* bezant e henvrezhoneg hag e predeneg : *dam-, dar-, daz-, den-, der-, dez-, dian-, diou-, diour, diourzh, dis- diwar-, dou-, dour-* h.a. [...]

- LAVAR 05 KIS-E102 – Gl. *humeur, caractère* (A, J, M da B - 16 10 73) (sl.

KIS-E101).

Kb. *nwyf* eus **nei-bho-*, sl. hIw. *noib* “saint, sacré” LEIA N-20. hIw. *niab* “vigueur” “excitation” (g) ; *niabaid* “il excite”, da geñveriañ rag-eeun gant Kb. *nwyf* g. “vigueur, excitation” ivez, *nwyfo* “exciter”, *hynwyf* “plein de vigueur, gai, folâtre”... “Les mots **neibho-*, **noibho-* devaient désigner une force agissante ; l’idée de sainteté en est issue”.

Mont a raje **nei-bho-* da Br. ***noa** (netra da welout gant **noeant**, **noeañs**) ; ac’hann : **arc’hwel an noa**, **noaelezh**, **usnoa**, **usnoaegezh**, **usnoaek**, **isnoa** +, **annoa**...

Gl. **caractère**.

Diwar **neuz** mar fell fit, met **an(n)** - (eus **ande-kreñvaat*) na vez ket di-forc’het dirak **n-** diouzh **an-** (eus **an-*, Ie. **n̥-nac’hus*). Gwell e ve neuze kavout ur rakger all. Evel rakger-kreñvaat : **avr-^o**, **ann-^o**, **der-^o**, h.a.. Ar pep spletusañ a ve hep mar **der-** + gwanadur (hBr. **dermor**, & = **derveur*). Neuze : ***derneuz**.

- YBAN da LM :

Geriadur ar Mediaoù a ginnig Br. **deraozañ** hag an deveradoù, kardarnaet gant GE war-lerc’h va atersadenn, sl. La-19. Evit gwir ez eo ankevasas deveradoù *prim-*, rak an *deraozadoù* n’int ket savet pe aozet war ar prim ha ne zarevont ket ivez war ar prim evel ar primeostoù, sl. Da-64 “frouezh, legumaj, trevadoù darev abred”.

Kinnigadenn Martial a zeu diwar NDBF **primanao**, **primawen**, da heul Vallée, daoust ma lavar ivez Tata “war an taol”. Keneil va c’hoar (Pierre Gariel), gitarour ha sonaozer anezhañ, zo boaz da *zeraozañ* sonerezh, alies a-stroll, ha ne vez ket graet na war ar prim na gorrek, **war an taol** ne lavaran ket. Kement-se zo merket gant ar rakger **der-**.

Gwir eo : poazhañ a ran amañ e ’m burev ha ne ouzon ket penaos kaout un nebeut freskijenn. Amveziadoù diaes evit *deraozañ* !

2. A-ZIVOUT STEN :

• sl. LAVAR 08, pp. 284-286, GE da PH – 31 05 85, GE da GP – 01 06 85, GP da GE – 04 06 85.

EG da YBAN – 29 12 22

Peadra da vouetañ ma freder.

E-barzh labour Gabriel Cherel ez eus rakgerioù n'anavezan ket, met se a vo gwelet diwezhatoc'h.

EG da YBAN – 19 01 23

O kenderc'hel emañ da sellout ouzh rakgerioù bet implijet gant Preder. Ne 'm eus ket kavet ster lod anezho na ster gerioù zo bet stummet ganto kennebeut.

Marteze a-walc'h az pefe ditouroù da lavarout din diwar o fenn ?

• **AREM** || Aremodiñ
Arempred
Aremrannañ
Aremc'her
Aremvac'h

• **DASKEN** || Daskendouezad
Daskendiriad
Daskendeñvañ
Daskenvod

• **AROU** || Arouleviañ
Arouluniañ
Arougoriñ
Arouhebiñ
Arouglev
Aroubred
Aroudrigañ
Arwastadiñ
Arouzodiñ

• **EL** || Elsonenn
Elgensonenn

• **ASKEN** || Askenneuziad
Askensoniad
Askenrizh

• **GWE = GOU** || Gwehin = limite inférieure.
GWE + HIN, petra e talvez
HIN amañ ?
Gweleviat = luisant, GWE
+ LEVIAT, petra e talvez
LEVIAT ?

• HAN	<p>Handalañ = sanctionner. Haneilañ = expédier. Hanvout = exister. Hanbarzhañ = ségréguer. Hangren = timbre de la voix. Hanlec'hiañ = (se) situer, localiser. Handerc'hañ = produire une fiction. Hangas = ? Hansez = ? Hangaeañ = ? Hanbarañ = ? Handuek = ? Hanc'heriañ = ? Hanweañ = ? Hanved = ? Hanverk = ?</p>	• MEZ, milieu	<p>Mezc'her Mezkerzhel Meztroc'hañ Mezoded Mezkreskiñ Meztermen</p>
		• MEZ = MEIZ ?, logique	<p>Mezframm Mezpar Meztrevn Meziant = logiciel Mezlun = logigramme Mezoni = logique informatique Mezoniel = logique Mezventer = logimètre Mezvin = bombe logique, softbomb</p>
• KANT	<p>Kantaezañ = éprouver Kantalc'h = consistance Kantvout = appréhender comme présent, percevoir Kantamsaviñ = commuter Kantanv = possesseur d'un nom Kanteul = renseignement Kantvredañ = avoir l'intelligence, comprendre (philo) Kantouezel [kant + gouez] = empirique Kantpoell = délire Kantren = ? Kantster = ? Kanttreiñ = ? Kantveizel = ? Kantdezv = ?</p>	• MI	<p>Miazasadur Migeharz Migenglot Mihanduek Miwered Migorvez Mineuzid Miarc'hwel Milenn Miskriv Migomz Mibar Mideñvañ Mic'houlun Miwel Mizlid Mivoud Mivezhur</p>
• KEUR (Val-lée, augmentatif, XXX)	<p>Keurzelwenn Keurvleñcheg Keurskeul Keurgazh Keurwazhiedegezh Keurzelwenn Keurvil</p>	• RAS	<p>Raskignat Raspardiñ Rastraolañ Rastrezerc'h</p>
• KEVEL, partage	<p>Kevelverzh</p>	• GWAR	<p>Gwarabeg Gwargerzh Gwardreustell Gwarveiz Gwarbleg = obséquieux</p>

• KENTA, premier	<ul style="list-style-type: none"> Kentaskrivañ Kentavalleeg Kentagened Kentahoalad Kentagenel Kentadorn Kentabec'h 	• REZ	<ul style="list-style-type: none"> Rezvevat Rezfeuriañ Rezdalc'h Rezvrientiñ = émanciper (juridique) Rezdelviñ = homéomorphisme Rezwrezek = homéotherme
-------------------------	--	--------------	---

YBAN da EG 19 01 23

Pebezh rollad ! E-barzh va malad eus an 27 kerzu 2022 e lavaren dit e oa dav studiañ steudad al Lavaroù, a-zevri-kaer. Kompren a ri ne c'hallan ket ober al labour evidout. Ur bern traoù 'm eus war ar stern ha ne dizhan ket ober pep tra. War load PREDER (<https://www.preder.net>) e kavi an holl Lavaroù ha n'eus nemet kregiñ da studiañ. Ne c'hallan ket ober e 'z lec'h. Ar respontoù a-zivout ar rakgerioù a gavi eno.

Gwelout a ran ivez e rez c'hoazh gant doareoù dizaliet gant PREDER evel **n'em eus ket, az pefe* hag ivez gant **mard ez peus*. Kae da deurel ur sell war load PREDER: [diazegoù ar brezhoneg](#).

Arabat fallgaloniñ, rak dre zerc'hel da studiañ e teuomp a-benn da wellaat hon yezh.

Ne vin e-tailh da respont nemet da c'houlennoù poentek.

EG da YBAN – 19 01 23

Kompren a ran mat tre.